

საქართველოს გარემოს დაცვისა და სოფლის მეურნეობის სამინისტროს
 სსიპ გარემოს ეროვნული სააგენტოს უფროსს
 ქალბატონ თამარ ფიცხელაურს

ქალბატონი თამარ,

შპს „საბადო“-ს ექსპლუატაციის ქვეშ არსებულ, კასპის მუნიციპალიტეტში, სოფ. მეტეხში მდებარე სასარგებლო წიაღისეულის (ქვიშა-ხრეშის) გადამამუშავებელი საწარმოს ექსპლუატაციის სკრინინგის განცხადებაზე სსიპ გარემოს ეროვნული სააგენტოს 2023 წლის 13 აპრილის N 21/2651 წერილით წარმოდგენილ საკითხებთან დაკავშირებით გაცნობებთ, შემდეგს:

<p>სკრინინგის განცხადების სატიტულო გვერდზე მითითებულია მხოლოდ სასარგებლო წიაღისეულის (ქვიშა-ხრეში) გადამამუშავებელი საწარმო. ვინაიდან, კომპანიის მიერ დაგეგმილია საპროექტო ტერიტორიაზე განთავსებული ნავთობპროდუქტების საცავის ექსპლუატაცია, რაც წარმოადგენს „გარემოსდაცვითი შეფასების კოდექსის“ II დანართის 6.3 ქვეპუნქტით განსაზღვრულ საქმიანობას, სატიტულო გვერდი საჭიროებს კორექტირებას</p>	<p>შენიშვნა გათვალისწინებული იქნა - სატიტულო გვერდი გასწორდა სააგენტოს მოთხოვნის შეაბამისად.</p>
<p>სკრინინგის განცხადებას თან ახლავს უახლოეს მოსახლესთან შეთანხმების დოკუმენტი, რომლის მიხედვითაც შეთანხმება მოხდა გიორგი ლევბორაშვილთან. მონაცემთა ელექტრონული გადამოწმების შედეგად დგინდება, რომ მოცემულ მიწის ნაკვეთზე (ს/კ: 67.12.43.009) არსებული სახლის მესაკუთრე არის მიხეილ ლევბორაშვილი. შესაბამისად, აღნიშნული საკითხი საჭიროებს დაზუსტებას</p>	<p>უახლოესი საცხოვრებელი სახლის (67.12.43.000.009) მესაკუთრეს წარმოდგენს მიხეილ ლევბორაშვილი. უახლოეს მოსახლესთან შეთანხმების დოკუმენტში წარმოდგენილი პირი - გიორგი ლევბორაშვილი არის მიხეილ ლევბორაშვილის მამა, რომელმაც საცხოვრებელი ფართი მიხეილ ლევბორაშვილს გადასცა 2019 წელს (იხ. შესაბამი დანართები). ვინაიდან ფაქტობრივი მაცხოვრებლები არიან როგორც გიორგი, ისე მიხეილ ლევბორაშვილები - შეთანხმება უახლოეს მოსახლესთან კვლავ ძალაში რჩება და წარმოდგენილია განახლებული სკრინინგის ანგარიშის დანართი სახით.</p>

სსიპ გარემოს ეროვნული სააგენტოს
 25 აპრილი 2023
 № 3550

<p>წარმოდგენილი დოკუმენტაციის თანახმად, საწარმო განთავსებულია კასპის მუნიციპალიტეტში, სოფ. მეტეხის ადმინისტრაციული ერთეულის ტერიტორიაზე, არასასოფლო-სამეურნეო დანიშნულების მიწის ნაკვეთზე (ს/კ: 67.12.43.000.079), რომელსაც იჯარის ხელშეკრულების საფუძველზე ფლობს შპს „საბადო“. სკრინინგის განცხადებას თან უნდა ერთოდეს სარგებლობის უფლების დამადასტურებელი შესაბამისი დოკუმენტი</p>	<p>„გარემოსდაცვითი შეფასების კოდექსის“ მე-7 მუხლის მოთხოვნათა შესაბამისად სკრინინგის ეტაპზე ტერიტორიის სარგებლობის დამადასტურებელი დოკუმენტაციის წარმოდგენის ვალდებულება/საჭიროება არ არსებობს. მიუხედავად აღნიშნულისა სააგენტოს მოთხოვნიდან გამომდინარე ვაზუსტებთ, რომ განსახილველი ობიექტი განთავსებული არასასოფლო-სამეურნეო მიწის ნაკვეთზე (67.12.43.000.079), რომელიც სახელმწიფო საკუთრებაშია და სარგებლობის უფლების მოპოვების მიზნით დაწყებულია კანონმდებლობით გათვალისწინებული შესაბამისი პროცედურები (იხ. შესაბამისი დანართი). როგორც სკრინინგის ანგარიშის მე-8 გვერდზეა განმარტებული - „საწარმო ობიექტი უკვე წლებია რაც განთავსებულია განსახილველ ტერიტორიაზე, მათ შორის 2020 წლიდან შპს „საბადოს“ მფლობელობაშია. აღნიშნულ ტერიტორიაზე იჯარა გაფორმებული იყო იმ პირობით ვისგანაც შპს „საბადომ“ განსახილველი ობიექტი შეისყიდა.</p> <p>ვინაიდან ტერიტორიის სარგებლობის საკითხი გარემოზე ზემოქმედების შეფასების სკრინინგის ნაწილში არაფერს ცვლის, ხოლო განსახილველი ობიექტი წარმოდგენს არსებულ საწარმოს - გთხოვთ მხედველობაში მიიღოთ ზემოაღნიშნული განმარტება და ამ ეტაპზე იჯარის ხელშეკრულების არ არსებობა არ ჩათვალოთ სკრინინგის გადაწყვეტილების მიღების მიზნით დაწყებული ადამინისტრაციული წარმოების შეწყვეტა/შეჩერების საფუძველად.</p>
<p>სკრინინგის განცხადებაში მითითებული უნდა იყოს საწარმოო ჩამდინარე წყლების მოცულობა დანაკარგის გათვალისწინებით. ამასთან, დაზუსტებას საჭიროებს წყალჩამდინარის წერტილის GPS კოორდინატები</p>	<p>სკრინინგის ანგარიშის შესაბამისად დიდი მოცულობის სამსხვრევისთვის წლის განმავლობაში აღებული წყლის რაოდენობა შეადგენს 40 000 მ³-ს, ხოლო „პატარა“ სამსხვრევისთვის 20 000 მ³-ს. აღებული წყალი (60 000მ³) მთლიანად გამოიყენებული იქნება საწარმოო ტექნოლოგიურ ციკლში, ხოლო</p>

ბუნებრივი (აორთქლება) და ტექნოლოგიური (ქვიშა-ხრეშის დანამვა და სინესტის აღება) დანაკარგის (10%) გათვალისწინებით, სალექარის გავლით ჩაშვებული იქნება მდ. მტკვარში. შესაბამისად წლის განმავლობაში საწარმოო ჩამდინარე წყლების მოცულობა იქნება - 54 000 მ³. ზემოაღნიშნულიდან გამომდინარე დგინდება, რომ განსახიველი საქმიანობის შედეგად წყლის დებიტზე მნიშვნელოვანი ზემოქმედება მოსალოდნელი არ არის. სალექარის მახასიათებლების გათვალისწინებით (რომელიც ღია ტიპის ობიექტს წარმოადგენს) ჩამდინარე წყლის მოცულობას დაემატება ასევე სანიაღვრე წვიმის წყლები, რომელიც ბუნებრივად მოხვდება სალექარში.

წყალჩაშვების GPS კოორინატებთან დაკავშირებული გაურკვევლობის შესახებ, რომელიც შესაძლოა წარმოშობილიყო წყალჩაშვების წერტილიდან მდინარემდე დაშორების მანძილის გათვალისწინებით, გაცნობებთ შემდეგ: GPS კოორდინატები (X-447585; Y-4642699) შესაბამისობაშია სსდ-გარემოსდაცვითი ზედამხედველობის დეპარტამენტის საწარმო ობიექტის დათვალიერების შესახებ ინსპექტირების N000241 აქტში (25.11.2022წ) მითითებულ კოორდინატებთან. ასევე შპს „საბადოს“ „დიდი“ სამსხვრევისთვის ზედაპირული წყლის ობიექტიდან წყლის ამოღების ტექნიკური პირობების დოკუმენტაციაში მითითებულ მონაცემებთან, რომელიც ადმინისტრაციულ უწყებაში შესათანხმებლად წარდგენილი იქნა 2023 წლის 10 თებერვალს. ამასთან დამატებით განვმარტავთ, რომ ამა თუ იმ GPS მოწყობილობისათვის ასევე შესაბამისი ელექტრონული რუკებისთვის ან/და გეოსაინფორმაციო სისტემისთვის დასაშვებია ცდომილება, რომელიც განსახვადდება მოწყობილობის ან/და გეოსაინფორმაციო სისტემის მახასიათებლებიდან გამომდინარე.

	<p>საკითხის დაზუსტების მიზნით წარმოდგენილ განახლებულ GPS კორდინატებს, რომელიც კიდევ უფრო უახლოვდება ზადეპირული წყლის ობიექტს და შესაბამისად წყლის ჩაშვების ადგილს - 38T X-447606, Y-4642695.</p> <p>სააგენტოს მოთხოვნის შესაბამისად მითითებული საკითხების შესახებ ცვლილებები აისახა სკრინინგის ანგარიშის შესაბამის ქვეთავში (5.3).</p>
<p>წარმოდგენილ დოკუმენტში განხილული არ არის საწარმოს ტერიტორიაზე სანიაღვრე წყლების წარმოქმნისა და შემდგომი მართვის საკითხი</p>	<p>საწარმოს ტერიტორიაზე წარმოქმნილი სანიაღვრე წყლების შესახებ ინფორმაცია ასახულია სკრინინგის ანგარიშის 5.3 ქვეთავში. სააგენტოს მოთხოვნათა შესაბამისად სკრინინგის ანგარიშის შესაბამის თავში აისახა ასევე დამატებითი განმარტებები სანიაღვრე წყლების წარმოქმნისა და შემდგომი მართვის საკითხების შესახებ.</p>
<p>სკრინინგის განცხადებაში მოცემული არ არის მდ. მტკვრიდან წყალაღებისთვის გათვალისწინებული ტუმბოების წარმადობის და მიღების შესახებ ინფორმაცია</p>	<p>„დიდი“ სამსხვრევისთვის თვის განმავლობაში აღებული წყლის მაქსიმალური რაოდენობა იქნება 3500მ³-ს, საწარმოო ობიექტი მუშაობს წელისადში 250 დღის, შესაბამისად თვეში 20 დღის და დღეში 8 საათის განმავლობაში - შესაბამისად დგინდება რომ ტუმბოს ფაქტობრივი წარმადობა $(3500 \div 20 \div 8 = 21.8)$ შედაგენს 22 მ³-ს საათში. „პატარა“ სამსხვრევისათვის თვის განმავლობაში აღებული წყლის მაქსიმალური ხარჯი ტოლია 1750 მ³-ს, ხოლო ობიექტის სამუშაო გრაფიკის გათვალისწინებით $(1750 \div 20 \div 8 = 10.9)$ ტუმბოს სიმძლავრე იქნება 11 მ³-ს საათში.</p> <p>სკრინინგის ანგარიშში მიღების შესახებ ინფორმაცია წარმოდგენილი იყო და კვლავაც ასახულია მე-13 გვერდზე. კერძოდ ანგარიშში განმარტებულია რომ - „100 მმ დიამეტრის ლითონის მილით წყალი მიეწოდება ე.წ „დიდი“ სამსხვრევს, ხოლო 63 მმ დიამეტრის პლასტმასის მილის საშუალებით ე.წ „პატარა“ სამსხვრევს.“</p>

<p>დოკუმენტის თანახმად, ტერიტორიაზე მოწყობილია მრავალსაფეხურიანი სალექარი, თუმცა, წარმოდგენილი არ არის სალექარის მოცულობა და თითოეული საფეხურის პარამეტრები, რაც საჭიროებს დაზუსტებას</p>	<p>სალექარის საერთო ფართობი შეადგენს 1323 კვ.მ. სალექარი დაყოფილია დაახლოებით ორ თანაბარ საფეხურად, შესაბამისად თითოეული საფეხურის ფართობი შეადგენს დაახლოებით - 661 კვ.მ-ს. სალექარის მესამე სიღრმე შეადგენს დაახლოებით 3 მეტრს. აღნიშნული პარამეტრების გათვალისწინებით დგინდება, რომ სალექარის ჯამური მოცულობა შეადგენს დაახლოებით - 3 969 მ³-ს, ხოლო თითოეული საფეხურის დაახლოებით - 1 983 მ³-ს.</p>
<p>სკრინინგის განცხადებაში მოცემული უნდა იყოს ინფორმაცია ობიექტის ნედლეულით მომარაგებისა და პროდუქციის გატანისათვის საჭირო სატრანსპორტო ოპერაციების რაოდენობის შესახებ</p>	<p>როგორც სკრინინგის ანგარიშშია განმარტებული პროდუქციის სატრანსპორტო გადაზიდვების რაოდენობა დამოკიდებულია შესაბამის შეკვეთებზე, შესაბამისად სატრანსპორტო გადაზიდვების სიხშირის წინასწარ გათვლა არაგონივრული და ფაქტობრივად შეუძლებელია (დამატებითი განმარტებები იხ. სკრინინგის ანგარიშის მე-40 გვერდზე).</p> <p>საწარმოო ობიექტის სამუშაო რეჟიმისა და წარმადობის (ტონის ერთეულში: დიდი სამსხვრევისთვის-40 ტ/სთ, ხოლო პატარა სამსხვრევისთვის-20ტ/სთ) გათვალისწინებით დღის განმავლობაში გადასამუშავებელი წიაღისეულის ჯამური მოცულობა შეადგენს - 480 ტონას. მომსახურე (დიდი) სატვირთო მანქანის ტევადობა შეადგენს დაახლოებით 35 ტონას. შესაბამისად დღის განმავლობაში საჭირო იქნება დაახლოებით 13 სატრანსპორტო ოპერაციის შესრულება. დღის განმავლობაში შესასრულებელი სატრანსპორტო ოპერაციების ამასთან კარიერიდან საწარმოო ობიექტამდე დაშორების მანძილის გათვალისწინებით შესაძლებელია დავასკვნათ, რომ სატრანსპორტო ოპერაციები არ იქნება დაკავშირებული გარემოზე ფართო მასტაბიან/შნიშვნელოვან ზემოქმედებასთან და სატრანსპორტო ნაკადების შეზღუდვა-შეფერხებასთან. შესაძლო ზემოქმედების შერვილების მიზნით სკრინინგის</p>

დოკუმენტში წარმოდგენილია	ანგარიშში განსაზღვრულია სათანადო შემარბილებელი ღონისძიებები.
<p>მხოლოდ ატმოსფერულ ჰაერში გაფრქვეულ მავნე ნივთიერებათა რაოდენობრივი შეფასება, თუმცა მოცემული არ არის ატმოსფერულ ჰაერში გაფრქვეულ მავნე ნივთიერებათა ხარისხობრივი მაჩვენებლები უახლოეს მოსახლესთან მიმართებაში</p>	<p>სკრინინგის ანგარიშში მოცემულია ატმოსფერულ ჰაერში მავნე ნივთიერებათა გაფრქვევების რაოდენობათა ანგარიში, რომლის მიხედვით დგინდება, რომ ატმოსფერული ჰაერში გაფრქვეული მავნე ნივთიერების კონცენტრაცია არ აჭარბებს კანონმდებლობით გათვალისწინებულ ზღვრულად დასაშვებ კონცენტრაციის მაჩვენებლებს. როგორც მიღებული შედეგებიდან ჩანს საწარმოო ობიექტიდან მოსალოდნელი გაფრქვევის ინტენსივობები, მათ შორის სასარგებლო წიაღისეულის სველი მეთოდით გადამამუშავებისას, საკმაოდ მცირეა - შესაბამისად მიწისპირა კონცენტრაციების მნიშვნელობები უახლოეს დასახლებულ პუნქტთან, რომელიც 140 მეტრი მანძილით არის დაშორებული საკვლევი ობიექტიდან, არ გადააჭარბებს ზღვრულად დასაშვებ მნიშვნელობებს.</p> <p>გასათვალისწინებელია, აგრეთვე დამაბინძურებელ წყაროსა და ზემოქმედების შესაძლო მიმღებ წყაროს შორის არსებული ჰიფსომეტრიული სხვაობა, რომელიც კიდევ უფრო ამცირებს შესაძლო ზემოქმედების მნიშვნელობას.</p>
<p>სკრინინგის წარმოდგენილი ნავთობპროდუქტების ტერიტორიაზე შემთხვევით ნავთობპროდუქტებისა და წყლების შემდგომი მართვის საკითხი</p>	<p>სკრინინგის ანგარიშში განმარტებულია, რომ ნავთობპროდუქტის დაღვრის შემთხვევაში გათვალისწინებული იქნება მისი დროული ლოკალიზაცია და დაბინძურებულ ადგილზე გრუნტის მყისიერი მოხსნა - მოხსნილი გრუნტი რომელიც ასევე წარმოადგენს სახიფათო ნარჩენს გადაეცემა აღნიშნული ტიპის ნარჩენების მართვაზე სათანადო ნებართვის მქონე ორგანიზაციას. რეზერვუარის განთავსების ადგილზე მოეწყობა ასევე ნავთობპროდუქტის ავარიული დაღვრის შემაკავებელი ბარიერი (შემოზვინვა). დაღვრილი ნავთობპროდუქტი,</p>

	<p>რომლის ლოკალიზაცია შესაძლებელია თხევადი სახით, შემდგომი მართვის მიზნით ასევე გადაეცემა სახიფათო ნარჩენების მართვაზე შესაბამისი ნებართვის მქონე კომპანიას.</p> <p>ამ ეტაპზე საცავის ტერიტორიაზე წარმოქმნილი სანიაღვრე წყლების მართვა არ ხორციელდება გონივრულად. საპროექტო ღონისძიებების განხორციელებით ნავთობპროდუქტების საცავის ტერიტორიაზე სანიაღვრე-წვიმის წყლების წარმოქმნას ადგილი არ ექნება - კერძოდ, როგორც სკრინინგის ანგარიშშია განმარტებული დაგეგმილია მოეწყოს ნავთობპროდუქტების საცავი გადახურვა, საცავის გარშემო გაკეთდეს წყალარინებისთვის ბეტონის არხი. ტერიტორიის გადახურვა და წყალსარინი ბეტონის არხი უზრუნველყოფს სანიაღვრე-წვიმის წყლების პოტენციურად დამაბინძურებელი უბნიდან არიდებას - შედეგად სანიაღვრე-წვიმის წყლები არ დაბინძურდება ნავთობპროდუქტით.</p>
<p>დოკუმენტში წარმოდგენილი უნდა იყოს ნავთობპროდუქტების საცავის სასუნთქი სარქველებით აღჭურვისა და შევსების შესახებ ინფორმაცია</p>	<p>განსახილველი ნავთობპროდუქტების საცავი არ არის აღჭურვილი სასუნთქი სარქველით. სააგენტოს შენიშვნა გათვალისწინებული იქნება და რეზერვუარი აღიჭურვება, სათანადო სტანდარტის, სასუნთქი სარქველით/მილით.</p> <p>საცავის დიზელის სწავით შევსება ხდება საჭიროებისამებრ, შესაბამისი მომმარაგებელი კომპანიების მიერ. როგორც დიზელის საწვავის მიღება-გაცემისთვის შესრულებული ატმოსფერულ ჰაერში გაფრქვეულ მავნე ნივთიერებათა რაოდენობის ანგარიშს ჩანს გაფრქვეული ნახშირწყალბადები საკმაოდ მცირეა და დიზელის მიღება-გაცემის დროს მნიშვნელოვანი ზემოქმედება ატმოსფერულ ჰაერზე მოსალოდნელი არ არის.</p>
<p>სკრინინგის განცხადებაში გენგეგმაზე წარმოდგენილი ინფორმაცია არ იკითხება და საჭიროებს დაზუსტებას</p>	<p>შენიშვნა გათვალისწინებულია - სკრინინგის ანგარიშის დანართი სახით წარმოდგენილია</p>

<p>საჭიროა დოკუმენტში მოცემული იყოს ინფორმაცია მდინარე მტკვარზე წყალდიდობისა და იშვიათი განმეორადობის წყალმოვარდნის შემთხვევაში ობიექტზე ზემოქმედების ალბათობის შესახებ</p>	<p>განსახილველი ობიექტის მაღალი გარჩევადობის გენერალური გეგმა.</p>
<p>როგორც სკრინინგის ანგარიშშია განმარტებული ტერიტორიაზე განთავსებული ინფრასტრუქტურული ერთეულებიდან ყველაზე ახლოს ზედაპირული წყლის ობიექტიდან (მდ. მტკვარი), დაახლოებით 65 მეტრის დაშორებით, განთავსებულია მცირე ზომის სამსხვრევ-დამახარისხებელი დანადგარი, რაც თავსებადია მოქმედი დადგენილებით განსაზღვრულ წყალდაცვით ზოლთან. კერძოდ, მდინარე მტკვარი 75 კილომეტრზე მეტი სიგრძის მდინარეების ჯგუფს განეკუთვნება და მისი წყალდაცვითი ზოლის სიგანე (საქართველოს მთავრობის 2013 წლის 31 დეკემბერის №440 დადგენილებ) მდინარის კალაპოტის კიდიდან 50 მეტრს შეადგენს. აღნიშნული გარემოების შესაბამისად შესაძლებელია დავასკვნათ, რომ წყალმოვარდნის შემთხვევაში ობიექტზე ზემოქმედების ალბათობის რისკები არ არსებობს.</p> <p>ამასთან აღსანიშნავია, რომ ტოპოგრაფიული რუკის მიხედვით საკვლევი ობიექტი მდინარის დონიდან შედარებით მაღალ ჰიფსომეტრიულ ნიშნულზეა განთავსებული (ჰიფსომეტრიული სხვაობა დაახლოებით 0.8 მ-ს შეადგენს), რაც დაშორების მანძილის გარდა, ასევე გამორიცხავს ტერიტორიის შესაძლო დატბორვის ალბათობას.</p> <p>საწარმოო ობიექტის სტაბილურ მდგომარეობაში შენარჩუნება საქმიანობის განმახორციელებელი კომპანიის ერთ-ერთი პრიორიტეტული საზრუნავია, შესაბამისად აღნიშნული მიმართულებით რაიმე საჭიროების წარმოშობისთანავე რეაგირება იქნება ეფექტური და დროული.</p>	

გაცნობებთ, რა ყოველივე ზემოაღნიშნულს, გარემოსდაცვითი შეფასების კოდექსის მე-7 მუხლის შესაბამისად, სკრინინგის პროცედურის გავლის მიზნით, წარმოგიდგენთ სკრინინგის განცხადებას და გთხოვთ თქვენს გადაწყვეტილებას.

დანართი:

1. შპს „საბადო“-ს სასარგებლო წიაღისეულის (ქვიშა-ხრეშის) გადამამუშავებელ საწარმოს სკრინინგის ანგარიშის ელ. ვერსია (PDF)
2. SHP ფაილები

პატივისცემით,

შპს „საბადო“-ს დირექტორი:

